



Laerskool Montagu se weeklikse nuusbriëf

[www.laerskoolmontagu.net](http://www.laerskoolmontagu.net)

[monties@telkomsa.net](mailto:monties@telkomsa.net)

023 614 1640

# MONTIENOUUS

26 Oktober 2022

OB 45

Beste Ouers

Die Beheerliggaam het op 24 Oktober vir mnr. Dries du Toit gekoöpteer om op die Beheerliggaam te dien. Ons wens hom geluk en bedank hom ook vir sy gewilligheid om sy kundigheid met ons te deel.

Die afgelope naweek het die jaarlikse *The Hills Challenge* te Doringlaagte plaasgevind. Baie dankie aan Jim en Ronel Kriel wie elke jaar hul pragtige perseel en fasiliteite aan ons beskikbaar stel. Dit was weereens 'n uitstekende dag met 'n lekker 'vibe' onder die deelnemers en besoekers.

Die aanbied van so 'n dag vra baie handewerk en ek bedank graag almal wat die skool gehelp het om die dag aan te bied. Ons stuur ook bedankingsbriewe na individuele persone en instansies wat as borge opgetree het en sal hulle ook op sosiale media blootstelling gee.

Ek begin by alle deelnemers – so 'n dag kan nie plaasvind sonder deelnemers nie. Die pretloop het 'n groot aantal mense gelok; dankie ook vir die lekker gees wat daar geheers het. Ons personeel: dankie vir die hulp en ondersteuning vooraf en Saterdag tydens die byeenkoms. Dankie in besonder aan Annie Wigmore vir al die administrasie en koördinerings van die reëlings. Ek bedank graag Montagu Mania Events, waar Hannes Gous die leiding geneem het om die roetes te merk, tesame met al die verantwoordelikhede om so 'n dag te reël. Dankie vir al die tyd daaraan spandeer. Ons beheerliggaam onder leiding van Pieter Stemmet het 'n groot rol gespeel - dankie vir elkeen se aandeel. Ek sonder hier graag vir Lizanne van Eeden uit vir al die reëlings insake die kosstalletjies op die dag. Dankie aan al die ouers wat ook hiermee gehelp het. Daar is foto's op Facebook beskikbaar en daar sal ook foto's op The Hills se webblad wees.

Ons kan hierdie week bekend maak dat me. Isabel Zachariasse aan die einde van die jaar aftree. Die SBL het vir me. Lizenke Carstens in die pos aangestel. Me. Marlene Brits tree ook af aan die einde van die jaar. Die biblioteekpos word binnekort geadverteer. Ons sal hierdie twee staatmakers beslis mis.

So tussen al die aktiwiteite kom die eksamen vinnig nader en ek vra weereens dat ons leerders die volgende paar weke sal fokus op hul skoolwerk.

Alles van die beste vir die komende week.

Vriendelike groete

Jan Krüger  
Skoolhoof



Geborg deur:



# BELANGRIKE DATUMS

|                   |   |
|-------------------|---|
| Woensdag, 26 Okt  | IF Kultuurmiddag (14h30)<br>o. 13 Krieketwedstryd: 2 Montie spanne (tuis)                 |
| Donderdag, 27 Okt | Tennis vs Ashton (weg)  |
| Vrydag, 28 Okt    | Bredasdorp Atletiek<br>Ope Entrepreneurs  |
| Woensdag, 2 Nov   | Werksafbakening na ouers<br>o. 13 Krieket vs Bonnievale (weg)                             |
| Donderdag, 3 Nov  | Laaste sportoefening  |
| Vrydag, 4 Nov     | GF Boeke huis toe<br>Gr. R Kuierdag<br>Idiomedag – Biblioteek<br>Entrepreneurs (Prefekte) |
| Saterdag, 5 Nov   | Mini Krieketdag (Hexvallei)<br>o. 13 Krieket vs Caledon (weg)                             |

**Personeel**  
**verjaarsdae**  
Madelene Victor:  
26 Oktober

---

## IF Kultuurmiddag

Woensdag, 26 Oktober 2022 om 14:30 is dit weer tyd vir die Intermediêre Kultuurmiddag. Hierdie geleentheid is spesifiek vir gr. 4 – 6 en word in ons skoolsaal aangebied.

Laerskool Robertson en Laerskool Ashton is die besoekende skole. Kom gerus en luister na die kore en redenaarstoesprake.

---

## THE HILLS CHALLENGE

Welgedaan aan al die fikse Monties wie Saterdag aan *The Hills Challenge* deelgeneem het – julle maak ons trots!

Baie geluk aan die volgende leerders wat podium-posisies behaal het:

**“Nipper” Seuns 12km MTB**

John van Deventer: 1ste

Sion Stemmet: 2de

Steyn Stemmet: 3de

**“Nipper” Dogters 12km MTB**

Suna Bussell: 2de

**Mans 12km MTB**

Jacobus Theron: 2de

Luka Southey: 3de

**Dames 12km MTB**

Mieke Joubert: 2de

# IDIOME DAG!

Alle gr. 1 -7 leerders neem kennis!

Ons hou op Vrydag, 4 November 'n Idiome Dag!  
Span jou kreatiwiteit in en kom stel 'n idioom voor.

Deelname is gratis en vrywillig.

Skryf in by jou klasonderwyser teen Vrydag, 28 Oktober, indien jy gaan deelneem.

Leerders wat nie deelneem nie, kom in hulle skoolklere.

---

## Gr. R Kuierdag

Vrydag, 4 November kom 2023 se Gr. l's by ons kuier. Ons is baie opgewonde om hulle te sien.

Hulle gaan die skool verken sodat die eerste dag van volgende jaar nie so vreemd is nie.

Daar word lekker aktiwiteite beplan vir die dag.

Ons kan nie wag om hulle te ontmoet nie.

---

## TENNIS

Ons tennisspan het op Donderdag, 20 Oktober teen Bonnievale gespeel.

Beide seuns en dogters het alle wedstryde (enkels en dubbels) gewen.

Wel gedaan Monties! Ons is trots op julle.

---

## MINI-KRIEKET

Uitslae: Bonnievale Sportdag

|       |                  |
|-------|------------------|
| o. 7A | Wen 2, verloor 1 |
| o. 8A | Wen 1, verloor 1 |
| o. 9A | Wen 1, verloor 1 |

# KRIEKET

## o.11 Krieket

Die o. 11 Krieketspan het Maandag, 17 Oktober 'n vriendskaplike wedstryd teen Laerskool Robertson gespeel. Ongelukkig verloor hulle met 90 lopies.

Spelers van die wedstryd: Brian Stuart en Christian van Eeden.

## o.13 Krieket

Die o. 13 Krieketspan het op Woensdag, 19 Oktober 'n baie goeie wedstryd teen Laerskool Robertson gespeel. Monties kry 90 lopies in 20 beurte en Robertson 60 lopies.

Beste kolwers: Philip Fourie (12) en Raydon Williams (36).

Beste boulders: Timothy Saunders en Christian Hartman met 3 paaltjies elk.

Baie geluk!

## THE HILLS CHALLENGE

Baie geluk aan Me Sylnet Swanepoel wat die naweek by Sanbona ter waarde van R28 000 gewen het tydens die trekking van lootjievorms by *The Hills Challenge*.

Dankie vir almal se ondersteuning van die lootjie verkope.

Ons het ook groot waardering vir Sanbona vir die skenk van die naweek.

## Laerskool Koo

bied aan:



## DUATHLON

HARDLOOP - FIETSRY - HARDLOOP

Datum: 5 November 2022  
Plek: Laerskool Koo  
Koste: R80 individueel  
R120 per span (2-3 lede)  
E-pos: laerskoolkoo@breede.co.za

Inskrywings open 1 Oktober 2022.

Medaljes vir alle deelnemers en pryse vir podium wenners.

Registrasie vind plaas van 08h30 tot 09h00.

Graad R tot Graad 7 is welkom om deel te neem.

Lekker koeldrank-en kosstalletjies.

Navrae: Carina de Kock 082 781 0698